

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

477. An confirmatores inquisitionem de electionis processu, electíque
idoneitate confirmationi suorum regularium.
-

[urn:nbn:de:hbz:466:1-74485](#)

Questio 477. An confirmatores regulares pari modo teneantur premittere dictam inquisitionem de electionis processu, electaque idoneitate confirmationi suorum regularium?

R Espondeo primò: Prælati regulares subiecti sunt iuri communii, nempe decretali nihil, & aliis, quatenus prohibent electiones confirmari, non examinato negotio, scilicet non examinato processu electionis & meritis, seu idoneitate electi; & non minus incident in penas dicti cap. nihil, si id omiserint, aut in hoc negligentes fuerint, & vel sic electionem cassandam, electumve indignum confirmant. Pass. loc. cit. n. 12. nam inquisitio haec seu informatio de valore electionis electi que meritis est de substantia confirmationis legitimæ; idque non tantum, quia est apex aliquis juris, seu solennitas à jure positivo tanquam legitimæ confirmationis inducta (ad quos juris apices & solennitates servandas vi multiplicum suorum privilegiorum sèpè non tenentur Regulares) sed quia necessaria est ex natura rei ad rectam confirmationem, eamque confirmator premittere debet ex officio ratione publica utilitatibus; cum enim confirmator sit Judex & cognitor, ut in cap. 1. de elect. debet se informare de re judicanda, in qua in præsente materia partes sunt Electores, electus & Ecclesia; unde attendere debet, ne injuritiam aliquam contra illos admittat, & consequenter etiam, dum nullus est oppositor, se informare de electi dignitate, & electionis valore. Pass. cit. n. 112, in fine, juncto n. 110. citans pro hoc Peyr. in formulæ. lit. C. c. 18. n. 3. Sigism. de Bonon. de elect. dub. 46. n. 7. Castell. cap. 14. n. 6. Unde jam minus recte Donat. p. 2. tr. 7. q. 6. n. 2. cum Rodriq. tom. 2. q. 52. n. 5. quem citat. item Peyr. in subd. q. 1. c. 31. Lavor. de elect. tit. 4. n. 60. & 61. Sigism. de Bonon. dub. 44. num. 12. &c. apud Pass. n. 108. afferunt, tunc esse consuetudinem illam, seu praxin, quam servant Generales Ordinum in confirmandis electionibus Provincia- lium, non præmitendo dictam inquisitionem: tum quia ob multa privilegia sua non tenentur servare omnes apices & subtilitates juris, inter quas est etiam illa cognitionis causa: tum quia ex privilegio iis concessio a Sixto IV. poslunt hunc defectum supplerre. Tum denique, quia sic colligitur ex Clem. Exixi. de verbis. signif. §. demum. Nam cum dicta inquisitione non necessaria facienda sit judicialiter per testes juratos, ubi non fit in iudicio contradictorio, parte sic instanti, sed fieri possit extrajudicialiter per famam & literas testimoniales, ut Pass. n. 111. dunque modus dictæ inquisitionis maximè dependat ex specialibus statutis, consuetudinibus, aut etiam privilegiis uniuscujusque Ordinis, ut Pass. n. 113, male dicitur, confirmatores illos sine ulla inquisitione facta vi privilegiorum suorum, aut ex prescripta consuetudine contra jus communne procedere ad confirmationes, ex sola fama & literis testimonialibus, quas habent ex Conventibus, ut dum in Ordine Minimorum, de quo testatur Peyr. loc. cit. mittuntur ad Generalem confirmatorem litera testimoniale subscripta omnium vocalium seu Electorum nominibus, etiam illorum, qui electum non nominarunt, dum in Ordine Prædicatorum (de quo testatur Pass. n. 113.) absque eō, quod tales testimoniales sint de substantia, ex solo decreto electionis procedunt confirmatores ad confirmandum, ubi nulla sit oppositio; in quo decreto nedum descriptus fideliter processus ele-

ctionis, sed etiam datur testimoniū de integritate inorum electi; siquidem haec ipsa est inquisitio & informatio sufficiens, quam jus commune requirit. Pass. n. 113. juncto n. III.

2. Respondeo secundo: non tamen tenentur confirmatores istiusmodi regulares ad formam c. fin. de elect. in 6, utpote qua in eo consistit, ut citemur competitores & oppositores personaliter, & insuper, ut etiam electio facta in concordia, citemur per electum omnes interesses habentes, quæ est solennitas tantum & apex juris, ad quem non tenentur regulares vi suorum privilegiorum. Pass. loc. cit. n. 109. testans in suo Ordine tales non tantum non citari personaliter ac nominatim, sed & prohiberi, ne veniant ad confirmatorem sine speciali licentia; eō quod electis in hoc Ordine non competat prosequi causam suæ electionis; oppositores vero citemur ipso jure, ut simul cum scrutinio oppositionum suarum iura seu rationes transmittant, & si opus eorum præsentia, licentiam petant veniendi.

Questio 478. An igitur haec necessitas præmittendi dictam inquisitionem, & pœna statuta negligentibus illam extendat se ad omnem confirmationem, etiam electionum ad beneficia simplicia?

R Espondeo: affirmativam indistinctè tenet Gemin. in c. fin. de elect. in 6. & ex eo Sylv. v. confirmatio. n. 5. Rectius distinguit Pass. n. 107. decretalem fin. de elect. in 6. loqui absolutè, & indefinitè de electione sine limitatione; ac proinde rectè dicti, quod extendat se quoque ad confirmationem electorum ad simplicia; & sic quoq; ad hospitale, dum illud datur in beneficium via electivā. Quin & ad institutionem, & ad admissionē postulacionis, cùm præsentatio & postulatio veniat nomine electionis, pro quo postremo citat Jo. And. & Host. in c. proposuit de concess. prob. Aliam verò decretalem illam nihil, expreſſe se explicare & limitare ad electiones ad beneficia tantum Curata; adeoque pœnam illius non incurrit, qui sine dicta inquisitione confirmat electionem ad beneficium non habens regimen animarum. De cetero dictam necessitatem præmittendi examinis seu inquisitionis locuna non habere patet in iis casibus, ubi actus confirmationis non distinguuntur ab ipsa electione, sed haec ipsa vim confirmationis haberet, v. g. dum elegentes ita elegerunt, ut sine ulteriore alterius cuiusvis persona facto electus jus plenum assequatur. Et sic in specie electio Papa, quæ fit per collegium Cardinalium, dum non expectat confirmationem alterius, a nullo, posteaquam facta est, examinari potest, ut Lott. l. 2. q. 18. n. 35. Idem dicendum videretur, dum electio & confirmatione sunt actus quidem distincti, electio tamen non expectat confirmationem alterius Superioris, sed solum ut ei, qui ab Electoribus nominatus est, ab iisdem adjudicetur beneficium; cum ita nou sit propriè confirmatione. Sic indicare videntur Lott. loc. cit. n. 54.

Questio 479. Quas pœnas incurrat confirmator omittens hanc inquisitionem, aut negligenter se in ea habens?

R Espondeo: puniri illum vi c. nihil, potestate confirmandi pro illa vice, & suspensionem à beneficiis juxta ea, quæ supra dicta sunt de pœnis confirmantium indignum. Pass. n. 104. qui etiam addit, ad incurriendam dictam pœnam debere de negligentiā